

巢经巢全集

第三函  
第六册

巢經巢詩鈔卷第四

遵義 鄭 珍 子尹

古今詩共五十七首

次韻和郡守平樾峰  
翰懷陳省庵  
玉鑒劉研莊

詔陞兩前守

貴仕無令名不如不尊顯  
文官祇愛錢不如為牧翦朝  
廷用書生亦曰其言善  
豈其所讀書到官即收卷  
治法止兩端世有幾人聞  
甚或剔刻之傷我枝蹄  
跼冤乎頌德碑盍不刻  
稍淺陳劉兩郡守是誠  
循吏選遐陬井校中鼓  
眾走且喘一滴父母心  
百年尚神緬劉公實儒者

教不薄窮編至今多能文皆公為梯棧陳公山繭法此  
日更繇衍衣食到傭丐金珠滿原巘大府近請祀於陳  
極黽勉我惟此二公並當銘鐘銑劉父陳也毋教養惠  
無辨可念在當時肫摯忘軒冕湘川與白田車或日再  
轉陳公始教蠶於白田壩此風遂難得未免重絲繭堂  
堂平大夫繼畝思舊畎長言發嗟詠此意更加腆世有  
明練材囊愴而卷鬻寸善將自私誰肯道前典觀公用  
意處已足見敷展後來今視昔過之不獨踐企風觀化  
成歌德我何覲

樾峰次前韻見贈兼商輯郡志奉答

男兒生世間當以勲業顯埋頭事章句小夫已翦翦何  
况誇文詞更卑無可善居常每念此心若波濤卷百年  
大槩見素志未必闡馳車浪奔走日中請息趼獨立天  
南頭山高水以淺手攀青松林下瞰兵部選有力誠如  
犖頗惜氣稍喘遙遙千載心望古神一緬英雄撒手盡  
天地頓為褊洒淚歎當年終老乘舁棧於飯或未豐道  
乃因之衍孔孟日麗天豈不照荒巘以茲頗自信十駕  
竭駑勉與公數回見謂我金中銑人實不易知蓋棺始  
足辨飾詡太寬恕譬如中也冕安知定慧光不受剛風  
轉顧身如晚蠶未知作何繭獨思有此邦昧昧古疆畎

公能念圖志山川感嘉牘此雖百和羹成味非一縞父  
母苟作文子弟爭繙典地高聲易呼袖長舞方展請遂  
導先路茲事有人踐我懷崔慰祖事事皆媿覲

郡署八景次劉研莊前守原韻

軒窗聽鶯

舊歲<sub>春</sub>鶯<sub>紅</sub>窗綠樹閒官無畱宿諾鳥與話春山昏  
秋一澄聖鉞<sub>斫</sub>解破顏固知善為政物亦共心閒

山房畱月

月出碧山靜太虛雲盡回閒房不寂寞幽影共徘徊夜  
好得無客琴餘堪續盃當關慎看戶莫放五更來

橘井飲泉

古甃臨高橘清於曉露酣祝之歌洄酌流出當分甘可  
減長公調甯懷吳隱慚貞枝耐霜雪長此蔭澄涵

荷池疏雨

亭池不在外邛壑願無違六月此澄暑一天涼浸衣况  
兼荷氣滿更聽雨聲稀聖洗妙龔藏蜻蜒都忘歸

虛堂接翠

青山入官府偃蹇高人風羣揖此堂上終朝雲氣中左  
招到詩板右攬著書叢落落一峰傲高寒森玉蔥

傑閣來青

傑閣憑虛插登臨思邈然萬山浮軟翠雙鳥帶遙天湖  
海酒腸兀滄洲吟興懸花源雞犬近曖曖隱蔥瑤

古槐卧蔭

何年植斯樹意本取懷人與世留清蔭逃虛卧古春藤  
輪貪越美癭枕得涼新擾擾勞生夢槐宮此悟真

叢竹浮煙

繞脚森頭玉垂暉仰母慈柔柔多好色靄靄護新枝煙  
重梢逾亞陰攢月到遲因君樂晨夕為報素心知

文待詔鳳兮硯歌并序

硯背銘云紫霞發彩潤涵玉暉鳳兮鳳兮將望寥

廓而高飛後識嘉靖甲寅二月玉磬山房製徵明  
銘蓋待詔八十四歲時刻也後歸陳文恭相國其  
元孫際昌令桐梓以貽遵義守平公翰余因為作  
歌時方以長生無極瓦當試莫五餉墨故及之

郎州太守得片石云是停雲館主鳳兮硯文家舊物三  
百年歎息遺珍眼中見我聞二十七硯在當時並寵爭  
妍皆異姿曾孫眼枯元血碧鳳兮飄搖何處歸培遠堂  
中賴有居亭主太平經國資贊輔大勝先生思想帖出  
門即受鈴山汗待詔有唐摹右軍  
思想帖後歸嚴氏景曜流暉嗟命負至  
今老衲寫梵文待詔流暉硯今  
為浙僧某有爾復不為主人辱太守

業與榕門親太守况住姑胥門紅闌舊里相比鄰楚人

失弓楚人得世間木落定歸根他年竹嘯軒中訪鸞友

沈歸愚藏待詔高齋硯

落落殊翁照胥紐玉磬同時問故寮尚有

音塵無恙否撫今感昔愴我神絕憐八十四歲之老人

心長手軟細鐫刻豈期飛下橫山邨

邨文恭公所居兩承已是

麟鸞種何況凡鳥為兒孫鳳兮爾不見桮頭大元壁古

篆長生祝無極漢皇不守未央宮何論詞宗一塊石鳳

兮鳳兮爾德終不衰吾歌正不為爾一石悲橫來

### 追和程春海先生橡鰲十詠原韻

我亦念井田此世生已遲天與地商量遣蠶飼爾絲樹

是古時樹為要今人為急種莫窮待三年當見之樹種

春寒四十五人繭暖窩裏人既忘其寒蛹亦醒思起蟲

事爭此關火力謹相視譬如胎教疎百病從之始烘種

誰能妻不衣誰能兒不哺都仰蠶腹錢挪避山中露得

不辛苦得即得神亦如春山九十朝報君以紉素蠶春放

君穀熟田中我蠶熟山顛熟時兩通易豐歉情相連晝

要秋日小夜須秋月娟天解人願從我腹定果然秋放蠶

蠹蠹豈得已亦復因飢寒祗此萬頭蟲爾飽我則難繫

頭有排索繫足有機竿非我能陷子天教入其間蠹

筐載似緇負蠕蠕緣不禁後時要爾養肯謂恩勤深不

知家已移食飽眠於林蠶乎我誠苦待兒無此心移枝

同命蹈湯火吾憐蠶此時要為世衣被不爾安得治所

求補生民可憫不在斯我觀古仁人用心如見其煮繭

今日機杼地舊時空破屋織師有手訣可授不可讀歲

織千萬端遠散侯甸服勸君毋作偽作偽天不穀上機

榘之用於古木薪實以阜一經發全能遂令窮郡飽辦

土劑利害草木乃皆寶敬告異邦君死法要活草利無

生為窮陬民如未得父貲千方獲小利又索真苦兒堂

堂永不稅楔此三字楣不無桑宏羊詠言請深思稅不

行至靜懷莊寄家

秋山送客影蕭蕭落拓吟魂不可招  
邨店雨來天欲晚  
行人方度杏花橋

鄉舉與燕上中丞賀耦庚長齡先生

文學無貴賤師弟有因緣當公領解日我始雙鬢懸公  
名震中外孺子心已箋時從鄉先達一問應歷賢有如  
泥憶雲何人識肫顓旌花照黔服草木增華鮮下士懸  
勢分呼來侍之前呂鑒受薰浴始見韓門全手贈擘經  
書謂我能終篇念自束髮來抱遺望古先意薄言鸚鵡  
力遂忘其孱我朝盛明經諸老起接肩閻胡奮前菲江  
戴持中權六經有實義大師非漢偏皇皇一代學足破

諸子禪何言母歛生得淑洩長傳千金學屠龍用志良  
亦專但恐歲月逝蕪穢愁芳荃因公庶有就不致中道  
捐又苦念窮蹇力削此腫卷白袍五千士詎少萬選錢  
已分梟懸投竟呼魚與牽居然如巨黿顛顛承羣仙鉤  
楹預禮禮清簧聞朱絃國家作人意寓此賓之筵今日  
所厚醴異時待敷宣豈其以筐篚慰爾窮青氈念此自  
慚顧中心如沸煎未舉怨時命實成人舍旃一朝落人  
獲依然驕莠田不獨羞世士抑豈無懼焉科目正難稱  
炊沙何足饘惟山見五岳惟水觀九川塵滴乞沾丐期  
無負當年

完末場卷矮屋無聊成詩數十韻揭曉後因續  
成之

我亦胡不足而必求科名名成得美仕豈遂貴此生十  
年弃制藝汗漫窺六經友串妄稱譽謂我手筆精安知  
公等長真非余所能所以來試者亦復有至情父母兩  
忠厚辛苦自夙嬰一編持授我望我有所成未盡無所  
成而世以此輕因之忘顏厚自量非不陋貴從老親眼  
見此嬌子榮癡心有弋獲焉知非我丁獨歎少也苦精  
力遂不撐四更赴轅門聖地眠曾騰五更隨唱入階誤  
東而行指眼視達官蠕蠕動兩脰喜賴搜挾手按摩腰

股醒攜籃仗朋輩、許賄親火兵、拳卧半邊屋、隔舍聞丁  
丁、黃簾自知晚、蝸牛喜觀燈、夢醒見題紙、細摩壓摺平、  
功令多於題、關防映紅青、文字如榨膏、勢急膏亦傾、卷  
完自嗤笑、此又蟲語冰、安知上釣鮎、突作掉尾鯨、自視  
此窮骨、何讓稜等登、歸去見兒女、誇我頭銜增、但愁世  
上語、高文具有靈、又愁鄰舍翁、故生分別驚、寒檠照秋  
館、苦續號蟲聲、同硯有良友、謂柏鑒此欣慨并、難與外  
人言、果羸於螟蛉、

出門十五日初作詩黔陽郭外三首

近行十幾日、祇如旦暮間、遠行十幾日、恍若不計年、澄

澄湫溪流蕩蕩東去船寒風峭白日蕭條異山川高堂  
一片地一刻數往還顏色隔千里忽然立我前倚蓬久  
惆悵此意誰復憐入聖長歎息晚炊起寒煙

策名公家言其實止求食一飽甯必官吁嗟遠行役思  
便自此歸輾轉不能得事非盡由己徒念山中石強歌  
不成歡假卧不安席夢醒覓嬌兒觸手乃船壁我本窗  
下人胡為異方客身世難盡言去去自努力

記我出門時梅花繞茆亭攜兒聖石上吹笛使酒醒山  
妻持鐙來大字寫縱橫妹女各袖扇爭書厭吾肱關關  
一宵事不知雞已鳴今朝梅樹下小卓當窗櫺寒日在

黃葉蕭蕭兒授經讀書究何用祇覺傷人情不學耕亦  
得看我黔陽城

淑口晏起

想到莫知其處去睡成無可奈何來底緣水石亦煎燭  
起對沙頭阿濫堆

下灘

前灘風雨來後灘風雨過灘灘若長舌我舟為之唾岸  
竹密走陣沙洲圓轉磨拍梅呼速看著橘怪相左半語  
落上巖已向灘脚聖榜師打嬾槳篙律遵定課却見上  
水船去速勝於我入舟將及旬歷此不計箇費日捉急